

**Ordinis medici lenensis h.t. decanus Ernest. Antonius Nicolai
praenobilissimi medicinae doctorandi Friderici Ludovici Heroldt ... publice
habendam indicit praemissa commentatione de usu aquae frigidae
externo. III.**

Contributors

Nicolai, Ernst Anton, 1722-1802.
Heroldt, Friedrich Ludwig, 1756-
Royal College of Surgeons of England

Publication/Creation

lenae : Typis Stranckmannianis, [1783]

Persistent URL

<https://wellcomecollection.org/works/bwp7n2gd>

Provider

Royal College of Surgeons

License and attribution

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

18
ORDINIS MEDICI IENENSIS

H. T.

DECANVS

ERNEST. ANTONIVS NICOLAI

PRAENOBILISSIMI MEDICINAE DOCTORANDI

FRIDERICI LVDOVICI HEROLDT

VINARIENSIS

DIE VIII DECEMBRIS MDCCCXXXIII.

PVBlice HABENDAM

INDICIT

PRAEMISSA COMMENTATIONE

DE

VSV AQVAE FRIGIDAE EXTERNO.

III.

IENAE

TYPIS STRANCKMANNIANIS.

ORDINI MEDICI LENISII

DECANVS

ERNEST ANTONIVS NICOLAI

PRÆNOBILISSIMI MEDICINÆ DOCTORA

FRIEDERICI LAVDOLFI HEROLDT

VINARIENSIS

DE VITÆ PRÆCEPTIS

PRÆCEPTA

PRÆCEPTA

DE

VITÆ PRÆCEPTA

III

LENIS



Nondum ad finem perduxī casuum, quibus
 vsus aquae externus profuit, enarra-
 tionem praecedente coeptam program-
 mate, eamque in hoc persequi placet.
 Experientissimus D. D. PIETSCH *a*) omnes erysi-
 pelatis species aqua frigida in partibus affectis saepius
 ad imponendum et lavandum adhibita longe minori
 cum dolore et molestia sanatas confirmat. In cutis
 inflammationibus et excoriationibus infantili aetati
 familiaribus vel ex longiori decubitu ortis nil magis
 conducit, quam frequens lavatio frigida multum-
 que

a) Wahre Quelle und materielle Ursache vom Podagra und aller
 gichtischen Krankheiten überhaupt. Halle 1772. S. 295.



que antecellit cerussae lycopodii aliorumque absorbentium vsum. Saepius laudatus HAHN l. c. se in febre putrida gangraenosa ex decubitu inflammatos vfu fomentationum frigidarum sanasse refert idemque Clarissimus WOHLLEBEN in dissertat. de gangraena generatim et in specie de illa, quae a decubitu oritur, de frigida aqua praedicat. Partes frigore emortuae optime curantur, dum nive fricantur vel nive et aqua gelidissima teguntur, id quod illustris TISSOT *b)* et celeberrimus THEDEN *c)* testantur. Pernionibus pedum manuumque, nisi exulcerati sint, iisdem frigidis epithematibus occurrendum est. Immittendi sunt quotidie digiti in aquam frigidam, vsque dum tumor pruritus et rubedo cessent. Saepius laudatus D. D. DAVTER his remediis inflammationem lentam chronicam, quae subest, discuti putat, dum frigus vascula roborat, quae roborata sanguinem tam reprimunt quam propellunt. Non vero in ista solum gangraena, quae a frigore et longiori decubitu proficiscitur, sed in ea etiam, quae a vi vitali imminuta, quae motum humorum imminuit, eorum stasim et corruptionem pro-

b) Anleitung für das Landvolk. S. 490.

c) Neue Bemerkungen und Erfahrungen zur Bereicherung der Wundartzneykunst und Arzneygelahrheit, S. 187.

producit, five ex nimia rigiditate, vt in senibus, five
 ex vasorum atonia five ex valida partium concussione
 oriatur, aqua frigidissima vel nix applicata, vsque
 dum fiat valida inflammatio et suppuratio id, quod
 gangraena corruptum est, separet, vsu destituitur,
 quia irritat, vim vitalem excitat atque auget et ro-
 borat, quin in omni gangraena, vbi partis sphace-
 losae separatio ob deficientem inflammatoriam con-
 ditionem rite succedere non potest, iisdem ex ra-
 tionibus prodest aquae frigidae applicatio. Quam
 salutarem denique effectum in morbis putridis et
 catarrhalibus, haemorrhagiis tam internis quam ex-
 ternis sistendis, rheumatismis, arthritide et podagra,
 herniis incarceratis et cirsocele, iridis, ani, vaginae //
 et uteri prolapsibus, animi deliquiis, paralyfi, do-
 loribus capitis et vertigine, oculorum morbis et
 ophthalmiis, quae a debilitate nascuntur aut foven-
 tur, erysipelate, imprimis habituali, luxationibus
 et contusionibus ad tumores discutiendos et liga-
 menta roboranda, variis ventriculi et intestinorum
 affectibus ex eorum debilitate aut atonia ortum tra-
 hentibus, denique in ulceribus laxis, fluore albo et
 gonorrhoea benignis, oedematosis, scrophulosis
 aqua frigida applicata exferat, egregie expo-
 suit ante laudatus D. D. DAVTER in sua citata differ-
 tatione, ad quem benevolum lectorem remitto.

Placuit haec praemittere occasione actus sollemnis
publice intimandi

PRAENOBLISSIMI MEDICINAE

DOCTORANDI

FRIDERICI LUDOVICI
HEROLDT

VINARIENSIS,

qui sequens curriculum vitae et studiorum exhibuit:

Ego FRIDERICVS LVDOVICVS HEROLDT primam huius universi lucem adspexi Vinariae die IV. Aprilis, anno millesimo septingentesimo quinquagesimo sexto. Patrem veneror IOANNEM CHRISTOPHORVM HEROLDT, Serenissimi Ducis Saxo - Vinariensis et Ise-nacensis Chirurgum aulae et cohortis, et matrem IOANNAM ELISABETHAM, IOANNIS THEOPHILI SCHOENWALTER, Sereniss. Divi Ernesti Augusti Ducis Saxoniae Chirurgi primarii filiam. Optimi hi parentes omnem navarunt operam, ut primis rudimentis religionis christianae et litteris humanioribus rite imbuerer, quam ob rem me privatis institutionibus virorum clarissimorum NEYBERI, h. t. Pastoris Osmanstaed-tiensis et Hartungii h. t. Collegae V. Scholae Nordhul-sanæ tradiderunt, et satis instructus illustre Gymnasium
Wil-

Wilhelmo - Ernestinum, quod floret Vinariae, frequentavi, ibique institutionibus celeberrimorum Virorum CARPOVII et FRICKII jam dudum inter coelites triumphantium, HEINSII, NOLDENII, MVSÆI et LIPPOLDII frui mihi licuit, quibus pro singulari in me benevolentia maximas, quas possum, habeo gratias. Ita ad altiora praeparatus Ienam petii anno millesimo septingentesimo septuagesimo quinto, et a Viro illustri Consiliario aulico et Professore Iuris ordinario SCHMIDIO tunc fasces Academiae tenente in numerum civium academicorum sum receptus. Primum praelectiones philosophicas Illustris HENNINGS, mathematicas Illustris WIDEBVRGII et physicas Illustris SVCCOW et Dom. Doct. HAMBERGERI frequentavi. In historia naturali audiui Consiliarium aulicum Illustr. WALCHIVM jam diu ad sidera vocatum. In physiologicis Illustr. GRVNERVM habui praeceptorem, in pathologicis, practicis et medicina forensi Illustr. NICOLAI, fautorem meum maximopere colendum. In anatomicis Illustris NEVEAVERVS, cujus cineres valde veneror, et Dom. Doctor SCHENKIVS me erudit. Finito medicinae cursu in patriam redii, quo facto Ducatus Saxo - Vinariensis Statuum provincialium jussu Hannoveram sum missus, ubi praelectionibus artis veterinariae RESSINGII, Hippiatri et Veterinarii regii supremi maximo cum fructu et summa voluptate interfui, mihiq; valde gratulor, has doctrinas ex eius ore hausisse. Praeceptoribus hisce omnibus meis maximas, quas possum, ago gratias, iisque omnia, quae ad salutem et incolumitatem spectant, a Deo ter optimo maximo praecari numquam omittam.

Ad examina admissum Praenobilissimum Dominum
 Candidatum dignum censuimus, qui summis in ar-
 te nostra, quos petiit, honoribus exornaretur.
 Ad quos rite capeffendos die VIII. Decembris me Prae-
 fide suam dissertationem *de curatione morborum per va-
 pores* publice defendet. Splendidam huius diei op-
 to festivitatem atque eapropter PRO-RECTOREM
 ACADEMIAE MAGNIFICVM, ILLVSTRISSIMOS CO-
 MITES, PATRES ACADEMIAE CONSCRIPTOS, PRO-
 CERES VTRIVSQUE REIPVBLICAE GRAVISSIMOS, GE-
 NEROSISSIMOS AC NOBILISSIMOS DOMINOS COMMILI-
 TONES, HOSPITES OMNIVM ORDINVM HONORATISSI-
 MOS observantissimis ac humanissimis rogo precibus,
 vt sua praesentia hanc solemnitatem splendidiorē
 reddere velint. P. P. sub sigillo ordinis medicorum.
 Ienae. d. xxx Novembris MDCCCLXXXIII.

